

curi subjiçendus erat . Pax, sublati undique hostibus; 1365
Cretensibus reddita est . Pacata insula, Joannes Dandulus, Paulus Lauretanus, Petrus Maurocenus, Joannes Fuscarenus, & Thaddæus Justinianus ad ejus statum recognoscendum, resque componendas missi . Ii, aliis noviter sancitis, locorum etiam munitorum quibusdam everfis, nonnullis instauratis, Anopolim, jussis colonis qui illic erant alio migrare, desolatam reddidere, proposito edicto, ut capitale esset, quicumque habitandi causa in id oppidum rediisset . Edictum etiam, ut nemo Lasithis ædificaret, nemo fereret . Rebellium multis qui sparsim insulam incolebant, partim capitali supplicio affectis, partim perpetuo exilio damnatis, antiquum ocium insulæ reddidere . Hunc exitum habuere temerarii Cretensium motus . Cornarius Princeps, quum annos duos ac menses octo Reipublicæ præfuiisset, & jam grandis natu, humanæ necessitati concessit: in Gemellorum æde est situs .

Andreas Contarenus in demortui locum successit : qui præfagio quodam futurorum, aliquandiu oblatam dignitatem adire recusavit: concesseratque ob id ipsum in Patavinum agrum, ubi fundum habebat, tam diu urbe abfuturus, quoad nova alterius Ducis declaratio secuta esset . Sed quum neque publicis neque privatis literis in urbem retrahi posset ad dignitatem capeffendam, cognatorum quidam ad eum ire jussi sunt, denunciantes, fore, si pergeret obstinate agere, ut paulo post (quando Patres interminati essent) publicatis bonis, ipse in exilium ageretur . Tum illum privato periculo motum cessisse ferunt, Venetiasque venisse . Quod si verecundia accidit, fuit (quis non videt?) exemplum illud apprime salutare: ne quis temere Rempublicam adire auderet, cui imprimis consultum velle debent, qui eam regendam capeffunt, & quæ non tam nostra quam ipsius causa adeunda est . Etenim considerare oportet, eos qui publicos honores ambeunt, qui ipsi sint, quidve omnino præstare possint; ac si se rei tantæ impares cognoverint, non sibi minus quam omnibus consuluisse sciant, qui oblata dignitate abstinent . Sed

hæc

1367

*Andreas
Contarenus
Dux creatus
ad capeffendum
Ducatum
cogitur .*